



SAKSFRAMLEGG

Sakshandsamar: Marianne Soleng	Arkivkode: FE-033
Arkivsaksnr: 23/837	Løpenr: 23/10193
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	19.10.2023	082/2023

Godkjenning av innkalling og sakliste

19.10.2023 Kommunestyret:

Handsaming i møtet:

Ønske om tilleggssak på saklista ("Kontrollutvalet – gjeldande prosjektstilling")

Anja Elisabeth Gjerde Markhus (Bl) orienterte om at ho ønskte å få inn ei ekstrasak på saklista. Dette gjaldt ei sak med tittelen "Kontrollutvalet – gjeldande prosjektstilling". Ho hadde utarbeidd ei saksframstilling med framlegg til vedtak, som i møtet vart sendt ut til resten av kommunestyret saman med seks vedlegg. Det var ein pause i møtet medan medlemmene i kommunestyret fekk lesa gjennom desse dokumenta.

Etter pausen orienterte ordførar Knut Harald Frøland (Bl) om at han vurderte seg sjølv som ugild, fordi han er omtalt (omhandla) i den aktuelle saka. Han gjekk frå medan kommunestyret handsama gildskapen hans. Øyvind Røen (Sp) gjekk inn som ordførar.

Arild Røen (H) bad om å få gildskapen sin vurdert, på bakgrunn av at han også er omtalt i saka. Han gjekk frå medan kommunestyret vurderte gildskapen hans.

Både Knut Harald Frøland og Arild Røen vart samrøystes funne ugilde.

Oskar Røen (MDG) bad etter dette om å få gildskapen sin vurdert, på bakgrunn av at han er son til Arild Røen. Han gjekk frå medan kommunestyret vurderte gildskapen hans. Han vart funnen ugild med 15 mot 1 røyst. Jon Magne Bøgevik (Ap) røysta for at Oskar Røen var gild.

Karl Bård Kollbotn (Frp) bad om gruppemøte.

Etter gruppemøtet vart det gjennomført røysting over om saka skulle takast inn på saklista for møtet. Det vart samrøystes vedteke å ta saka inn på saklista, og at ho skulle handsamast etter dei andre sakene på saklista.

Det var under handsaminga av sak 082 ingen andre merknader til innkallinga eller saklista.

KS- 082/2023 Vedtak:

Innkalling og sakliste vert godkjent, med følgjande endring:

- Saka "Kontrollutvalet – gjeldande prosjektstilling" blir teken inn som ny sak på saklista.

Rådmannen sitt framlegg til vedtak:

- Innkalling og sakliste vert godkjent.